

Bosna i Hercegovina  
Federacija Bosne i Hercegovine  
**Hercegovačko-neretvanska županija-kanton**  
**SKUPŠTINA**

Broj: 02-01-260/18  
Mostar, 28.12.2018. godine

**IZVOD IZ ZAPISNIKA**  
**sa prve ( I.) Izvanredne sjednice Skupštine**  
**Hercegovačko- neretvanske županije-kantona**

Sjednica je održana 28.12.2018. u dvorani Skupštine Hercegovačko-neretvanske županije-kantona u Mostaru sa početkom rada u 10 h.

Sjednicu je otvorio zamjenik Predsjedavajućeg Šerif Špago i pozdravio nazočne.

Prozivku je obavila Željka Čule, tajnik Skupštine HNŽ/K.

Nakon obavljene prozivke konstatirano je da sjednici nazočno 30 zastupnika, da nema izočnih te da postoji kvorum za rad i punovažno odlučivanje.

Nazočni po pozivu: predstavnici Vlade HNŽ/K-a, predstavnici međunarodnih organizacija i predstavnici sredstava javnog informiranja.

Sjednica je javna, snimana je i snimci su sastavni dio ovog Izvoda iz zapisnika.

Prije prelaska na prijedlog dnevnog reda zamjenik predsjedavajućeg Šerif Špago je obavijestio prisutne da zamjenici predsjedavajućeg u dogovoru predlažu da Skupština donese sljedeći Zaključak:

- 1) Daje se ovlaštenje predsjedavajućem Prve ( I.) Sjednice Skupštine HNŽ/K- a da potpiše akta usvojena na Prvoj ( I.) Sjednici Skupštine HNŽ/K-a.
- 2) Daje se ovlaštenje zamjeniku Predsjedavajućeg Skupštine HNŽ/K-a Šerifu Špagi da zakaže i vodi Prvu ( I.) Izvanrednu sjednicu Skupštine HNŽ/K-a i potpiše akta usvojena na toj sjednici.
- 3) Daje se ovlaštenje zamjenicima Predsjedavajućeg Skupštine HNŽ/K-a da zakažu narednu sjednicu Skupštine.
- 4) Zaključak stupa na snagu danom donošenja i objavit će se u Službenim novinama HNŽ/K.

Prijedlog zaključka je dat na glasanje te je konstatirano da je Zaključak usvojen većinom glasova (uz 3 glasa protiv i 1 suzdržan).

Zamjenik predsjedavajućeg Šerif Špago je obavijestio nazočne da je Vlada HNŽ/K-a uputila u skupštinsku proceduru dokumenta sa zahtjevom da se nađu na dnevnom redu sjednice, a što je usuglašeno između zamjenika predsjedavajućeg te pročitao prijedlog Dnevnog reda:

1. Prijedlog izmjena i dopuna Proračuna HNŽ/K-a za 2018. godinu (skraćeni postupak)
2. Prijedlog Proračuna HNŽ/K za 2019. godinu (skraćeni postupak)
3. Prijedlog Zakona o izvršenju Proračuna HNŽ/K za 2019. godinu (skraćeni postupak)
4. Prijedlog Odluke o davanju suglasnosti na izmjene i dopune Financijskog plana Zavoda zdravstvenog osiguranja HNŽ/K za 2018. godinu
5. a) Prijedlog Odluke o davanju suglasnosti na Financijski plan Zavoda zdravstvenog osiguranja HNŽ/K-a za 2019. godinu  
b) Prijedlog Odluke o davanju suglasnosti na Odluku o izvršenju Financijskog plan Zavoda zdravstvenog osiguranja HNŽ/K-a za 2019. godinu
6. a) Prijedlog Odluke o davanju suglasnosti na Financijski plan Službe za zapošljavanje HNŽ/K za 2019. godinu  
b) Prijedlog Odluke o davanju suglasnosti na Odluku o izvršenju Financijskog plana Službe za zapošljavanje HNŽ/K za 2019. godinu
7. a) Prijedlog Odluke o davanju suglasnosti na Financijski plan Fonda za zaštitu okoliša HNŽ/K-a za 2019. godinu  
b) Prijedlog Odluke o davanju suglasnosti na Odluku o izvršenju Financijskog plana Fonda za zaštitu okoliša HNŽ/K-a za 2019. godinu.

Otvorena je rasprava po prijedlogu Dnevnog reda.

U raspravi su sudjelovali Vesna Saradžić i Aner Žuljević.

Usljedilo je glasanje po predloženom Dnevnom redu odnosno o poslovničkoj proceduri da se prve tri točke predloženog dnevnog reda razmatraju i usvajaju po skraćenoj proceduri.

Većinom glasova ( 3 protiv, 1 suzdržan ) usvojeno je da Prijedlog izmjena i dopuna Proračuna HNŽ/K za 2018. godinu bude razmatran i usvajan po skraćenom postupku.

Većinom glasova ( 4 protiv, 1 suzdržan ) usvojeno je da Prijedlog Proračuna HNŽ/K-a za 2019. godinu bude razmatran i usvajan po skraćenom postupku.

Većinom glasova ( 4 protiv, 1 suzdržan ) usvojeno je da se Prijedlog Zakona o izvršenju Proračuna HNŽ/K-a za 2019. godinu bude razmatran i usvajan po skraćenom postupku.

Prešlo se na glasanje o prijedlogu Dnevnog reda.

Većinom glasova (uz 3 glasa protiv i 1 suzdržan) usvojen je sljedeći Dnevni red:

1. **Prijedlog izmjena i dopuna Proračuna HNŽ/K za 2018. godinu (skraćeni postupak)**
2. **Prijedlog Proračuna HNŽ/K za 2019. godinu (skraćeni postupak)**
3. **Prijedlog Zakona o izvršenju Proračuna HNŽ/K za 2019. godinu (skraćeni postupak)**
4. **Prijedlog Odluke o davanju suglasnosti na izmjene i dopune Financijskog plana Zavoda zdravstvenog osiguranja HNŽ/K za 2018. godinu**
5. a) **Prijedlog Odluke o davanju suglasnosti na Finansijski plan Zavoda zdravstvenog osiguranja HNŽ/K-a za 2019. godinu**  
b) **Prijedlog Odluke o davanju suglasnosti na Odluku o izvršenju Financijskog plana Zavoda zdravstvenog osiguranja HNŽ/K-a za 2019. godinu**
6. a) **Prijedlog Odluke o davanju suglasnosti na Financijski plan Službe za zapošljavanje HNŽ/K za 2019. godinu**  
b) **Prijedlog Odluke o davanju suglasnosti na Odluku o izvršenju Financijskog plana Službe za zapošljavanje HNŽ/K za 2019. godinu**
7. a) **Prijedlog Odluke o davanju suglasnosti na Financijski plan Fonda za zaštitu okoliša HNŽ/K-a za 2019. godinu**  
b) **Prijedlog Odluke o davanju suglasnosti na Odluku o izvršenju Financijskog plana Fonda za zaštitu okoliša HNŽ/K-a za 2019. godinu.**

***AD 1. Prijedlog izmjena i dopuna Proračuna HNŽ/K-a za 2018. godinu (skraćeni postupak)***

U ime Vlade Prijedlog Izmjena i dopuna Proračuna HNŽ/K za 2018. godinu obrazložio je ministar financija Adnan Faladžić.

Otvorena je rasprava. U raspravi su učestvovali: Slaven Raguž, Aner Žuljević, Elvedin Grcić, Đuro Prkačin i Nevenko Herceg.

Usljedilo je glasanje po prvoj tački dnevnog reda. Većinom glasova (uz 4 protiv, 1 suzdržan) usvojene su Izmjene i dopune Proračuna HNŽ/K - a za 2018. godinu.

Zamjenik predsjedavajućeg Šerif Špago je predložio da se nastavak sjednice održi 31.12.2018. godine, što je usvojeno većinom glasova.

**Nastavak prve ( I.) Izvanredne sjednice Skupštine  
Hercegovačko- neretvanske županije-kantona**

Nastavak sjednice je održan 31.12.2018. godine u 11 h u dvorani Skupštine HNŽ/K-a.

Tajnik Skupštine Željka Čule je izvršila prozivku nazočnih zastupnika.

Nakon izvršene prozivke konstatirano je da sjednici nazočuje 28 zastupnika.

Izočni su Zora Dujmović i Ismet Lulić.

Zamjenik predsjedavajućeg Šerif Špago je otvorio raspravu po drugoj 2. tački Dnevnog reda.

## **AD 2. Prijedlog Proračuna HNŽ/K-a za 2019. godinu (skraćeni postupak)**

Obrazloženje Prijedloga Proračuna HNŽ/K-a za 2019. godinu su dali u ime Vlade HNŽ/K-a Nevenko Herceg, predsjednik Vlade i Adnan Faladžić, ministar financija.

Otvorena je rasprava.

U raspravi su sudjelovali: Slaven Raguž, Marija Bešker, Amir Šelo, Vesna Saradžić, Aner Žuljević, Đuro Prkačin, Slavko Bilić, Stana Burić, Goran Opsenica, Elvedin Grečić i Damir Džeba.

Amandmane na Prijedlog Proračuna HNŽ/K-a za 2019. godinu uložili su sljedeći zastupnici:

### **Marija Bešker, (HDZ 1990)**

#### Amandman 1

Na kontu 821600 – Rekonstrukcija i investicijsko održavanje:

- razred 14, glava 01, potrošačka jedinica 0001, konto 821600 - Rekonstrukcija i investicijsko održavanje(MUP – Policijska postaja Prozor – Rama) – unosi se iznos 300.000,00 KM

Sredstva osigurati sa konta 821600 - Rekonstrukcija i investicijsko održavanje – Skupština, tako da taj konto , umjesto 1.000.000.00 KM, iznosi 700.000,00 KM

### **Đuro Prkačin,**

#### Amandman 1

U članku 4. Proračuna, na stranici 14. – Ministarstvo financija broj uposlenih za 2019. godinu sa broja 53 smanjiti na broj 50.

### **Stana Burić,**

#### Amandman 1

Da se ekonomski kod 614 300 subanalitika 021 razdvoji na dva dijela

- subanalitiku 021 – ostali izdaci za kulturu 175.000 KM
- subanalitika npr. 022 – izdaci za samostalne umjetnike 100.000 KM
- 

### **Vesna Saradžić**

#### Amandman 1

- Umanjiti ekonomski kod 614 300 Grant neprofitnim organizacijama ( drvni klasteri, metalni) za iznos od 20.000 KM, ekonomski kod 614 300 Podrška projektima ( Ministarstvo graditeljstva/građenja za iznos od 10.000 KM, ekonomski kod 821 600 Rekonstrukcija i investicijsko održavanje ( Skupština) za iznos od 70.000 KM i formirati novi budžetski kod „J.U. Dječji dom Mostar“ i prebaciti navedena sredstva u iznosu od 10.000 KM.

#### Amandman 2

- Umanjiti ekonomski kod 614 300 Grant neprofitnim organizacijama – Skupština i povećati poziciju: 614 300 LAN007 107 Borci NOR-a za 2.000 KM.

#### Amandman 3

- Umanjiti ekonomski kod 614 400 sufinanciranje rada zdravstvenih ustanova za 250.000 KM informirati novi budžetski kod sufinanciranje biomedicinski potpomognute oplodnje, u iznosu od 250.000 KM

Amandman 4

- Umanjiti ekonomski kod 614 400 sufinanciranje rada zdravstvenih ustanova za 1.000.000.00 KM i formirati novi budžetski kod nabavka medicinske opreme – mamograf, i prebaciti navedena sredstva u iznosu od 1.000.000.00 KM.

-

**Aner Žuljević**

Amandman 1

Dodati novu stavku: Nabavka GPS narukvica za djecu sa autizmom, u iznosu od 35.500 KM  
Konto 613 100 „Putni troškovi “ umanjiti za iznos 35.500 KM

Amandman 2

Dodati novu stavku: Podrška organizaciji manifestacije „Jablaničko ljeto“, u iznosu 20.000 KM

Konto 613 900 „Ugovorene i druge posebne usluge“ umanjiti za 20.000 KM

Amandman 3

Dodati novu stavku: Novčana nagrada učenicima generacije Osnovnih i Srednjih škola u iznosu 200.000 KM

Konto 613 900 „Ugovorene i druge posebne usluge“ umanjiti za 200.000 KM

Amandman 4

Dodati novu stavku: Nabavka stacionarnih radara za MUP HNŽ/K, povećanje nivoa sigurnosti saobraćaja pored škola, u iznosu 300.000 KM

Konto 614 800 „Izvansudske nagodbe“ umanjiti za 300.000 KM

Amandman 5

Dodati novu stavku: Sufinanciranje izgradnje „Poslovnih zona“ 500.000 KM

Konto 821 600 „Rekonstrukcija i investicijsko održavanje ( Skupština)“ umanjiti za 500.000 KM

Amandman 6

Dodati novu stavku: Podrška organizacije obilježavanja godišnjice „Bitke za ranjenike“ u iznosu 10.000 KM

Konto 613 900 „ugovorene i druge posebne usluge“ umanjiti za 10.000 KM

Amandman 7

Dodati novu stavku: Besplatna pravna pomoć u iznosu 170.000 KM

Konto 821 300 „Nabavka opreme skupštini HNK“ umanjiti za 50.000 KM

Konto 614 200 „Grant pojedincima“ (Ured Predsjednika) umanjiti za 50.000 KM

Konto 821 300 „Nabava opreme – stručna služba, Ured Predsjednika i zaj.mat.troš “ umanjiti za 70. 000 KM

Zaključena je rasprava po tački 2. dnevnog reda nakon čega je zamjenik Predsjedavajućeg Šerif Špago predložio da se obavi rasprava i po tački 3. dnevnog reda kako bi se Vlada mogla izjasniti o predloženim amandmanima.

***AD 3. Prijedlog Zakona o izvršenju Proračuna HNŽ/K-a za 2019. godinu (skraćeni postupak)***

Prijedlog Zakona o izvršenju Proračuna HNŽ/K-a za 2019. godinu obrazložio je Adnan Faladžić, ministar financija.

Damir Džeba uložio je sljedeći amandman na Prijedlog Zakona o izvršenju Proračuna HNŽ/K-a za 2019. godinu:

U članku 10., iza stavka 3., dodaje se novi stavak 4., koji glasi: Potpisnici naloga platnih transakcija iz stavka 3., ovog članka trebaju biti svakog radnog dana pismeno upoznati sa stanjem transakcijskih računa. Izvješće o stanju transakcijskih računa dostavlja Ministarstvo financija.

Rasprava je završena.

Na Prijedlog Vlade, a zbog izjašnjavanja o ulozenim amandmanima, prešlo se na raspravu o ostalim tačkama Dnevnog reda.

***AD 4. Prijedlog Odluke o davanju suglasnosti na Izmjene i dopune Financijskog plana Zavoda zdravstvenog osiguranja HNŽ/K za 2018. godinu.***

Prijedlog odluke obrazložio je Rade Bošnjak, ispred Zavoda zdravstvenog osiguranja HNŽ/K.

Otvorena je rasprava.

U raspravi je sudjelovao Slaven Raguž.

Rasprava je zaključena, nakon čega se prešlo na glasanje.

Većinom glasova ( uz 4 suzdržana glasa ) usvojena je Odluka o davanju suglasnosti na izmjene i dopune Financijskog plana zavoda zdravstvenog osiguranja HNŽ/K za 2018. godinu..

***AD 5.***

a) Prijedlog odluke o davanju suglasnosti na Financijski plan zavoda zdravstvenog osiguranja za 2019. godinu.

b) Prijedlog odluke o davanju suglasnosti na Odluku o izvršenju Financijskog plana zavoda zdravstvenog osiguranja HNŽ/K za 2019. godinu.

Prijedlog odluka obrazložio je Rade Bošnjak, ispred Zavoda zdravstvenog osiguranja HNŽ/K.

Otvorena je rasprava.

U raspravi je učestvovala Alisa Hajdarović i Rade Bošnjak.

Usljedilo je glasanje.

a) Većinom glasova ( uz 4 suzdržana glasa ) usvojena je Odluka o davanju suglasnosti na Financijski plan zavoda zdravstvenog osiguranja za 2019. godinu.

a) Većinom glasova ( uz 4 suzdržana glasa ) usvojena je Odluka o davanju suglasnosti na Odluku o izvršenju Financijskog plana zavoda zdravstvenog osiguranja HNŽ/K za 2019. godinu.

#### **AD 6.**

a) Prijedlog Odluke o davanju suglasnosti na Financijski plan Službe za zapošljavanje HNŽ/K za 2019. godinu

b) Prijedlog Odluke o davanju suglasnosti na Odluku o izvršenju Financijskog plana Službe za zapošljavanje HNŽ/K –a za 2019. godinu.

Ispred Službe za zapošljavanje Odluke je obrazložila Gordana Nikolić.

Otvorena je rasprava.

U raspravi je sudjelovao Slaven Raguž.

Rasprava je zaključena.

Usljedilo je glasanje:

a) Većinom glasova ( uz 3 suzdržana, 1 protiv) usvojena je Odluka o davanju suglasnosti na Financijski plan Službe za zapošljavanje HNK-a za 2019. godinu.

b) Većinom glasova ( uz 3 suzdržana, 1 protiv) usvojena je Odluka o davanju suglasnosti na Odluku o izvršenju Financijskog plana Službe za zapošljavanje HNŽ/K a za 2019. godinu.

#### **AD 7.**

a) Prijedlog Odluke o davanju suglasnosti na Financijski plan Fonda za zaštitu okoliša HNŽ/K-a za 2019. godinu

b) Prijedlog Odluke o davanju suglasnosti na Odluku o izvršenju Financijskog plana Fonda za zaštitu okoliša HNŽ/K-a za 2019. godinu.

Ispred Fonda za zaštitu okoliša Odluke je obrazložio Niko Marušić.

Otvorena je rasprava.

U raspravi je sudjelovao Slaven Raguž.

Rasprava je završena.

Usljedilo je glasanje.

a) Većinom glasova ( uz 3 suzdržana, 1 protiv) usvojena je Odluka o davanju suglasnosti na Financijski plan Fonda za zaštitu okoliša HNŽ/K-a za 2019. godinu.

b) Većinom glasova ( uz 3 suzdržana, 1 protiv) usvojena je Odluka o davanju suglasnosti na Odluku o izvršenju Financijskog plana Fonda za zaštitu okoliša HNŽ/K a za 2019. godinu.

Usljedila je pauza od 10 minuta kako bi se Vlada mogla izjasniti o amandmanima na prijedlog Proračuna HNŽ/K- a za 2019. godinu i o amandmanima na prijedlog Zakona o izvršenju Proračuna HNŽ/K-a.

Nakon stanke Predsjednik Vlade HNŽ/K-a Nevenko Herceg iznio je stav Vlade po pitanju uložениh amandmana.

Usvojen je amandman Đure Prkačina i on postaje sastavni dio Budžeta HNŽ/K-a za 2019. godinu.

Vlada nije prihvatila amandmane Stane Burić, Marije Bešker, Vesne Saradžić i Anera Žuljevića.

Damir Džeba je odustao od amandman na Zakon o izvršenju Proračuna-a za 2019. godinu.

Vlada je prihvatila, odnosno unijela tehničke ispravke koje se odnose na financiranje političkih stranaka.

Usljedilo je izjašnjavanje Skupštine o amandmanima Vesne Saradžić.

Amandman 1- nije dobio potrebnu većinu Skupštine  
Amandman 2- nije dobio potrebnu većinu Skupštine  
Amandman 3- nije dobio potrebnu većinu Skupštine  
Amandman 4- nije dobio potrebnu većinu Skupštine

Marija Bešker je odustala od amandmana.  
Stana Burić je odustala od amandmana.  
Aner Žuljević je odustao od amandmana.

Usljedilo je glasanje o Prijedlogu Proračuna.  
Većinom glasova ( uz 3 suzdržana, 1 protiv) usvojen je Budžet HNŽ/K- a za 2019. godinu.

Usljedilo je i glasanje o Prijedlogu Zakona o izvršenju Proračuna HNŽ/K- a za 2019. godinu.  
Većinom glasova ( uz 3 suzdržana, 1 protiv) usvojen je Zakon o izvršenju Proračuna HNŽ/K- a za 2019. godinu.

Sjednica je zaključena u 15:30 sati.

Zapisničari:

Haris Baljić

Dario Topić

Po ovlaštenju Skupštine  
Zamjenik predsjedavajućeg

Šerif Špago